

閩都別記

第拾叁集



福州萬國出版社印行

中華民國三十五年

閩都別記

福州萬國出版社

閩都別記雙峰夢卷之十三目錄

里人何求纂

- 第二百二十四回 水獺報恩拖贈劍印
第二百二十五回 開王墓割油添不滿
第二百二十六回 述昔無疆徒閩歸國
第二百二十七回 犬頭鄉駙馬遺墓識
第二百二十八回 仁翰述無諸國祚識
第二百二十九回 苗將軍血戰退遼兵
第二百三十回 席中虛究問海賊供
第二百三十一回 學雲遊二士樂泛舟
第二百三十二回 鄭性之畫馬祀竈神
第二百三十三回 中虛隱居役木客
第二百三十四回 中虛持誠懷坐奔女
第二百三十五回 曹仙病腫度誠實子
第二百三十六回 萬一枝知錯回故土
第二百三十七回 麻姑訪姊治國有法
第二百三十八回 倭國再招鼠精歸窟
第二百三十九回 酒頭陀談榴洞隱事
第二百四十回 萬國圖贈尋親歸舍
第二百四十一回 雲程隨妻歸扶頤國
第二百四十二回 羽番貢雞教取寶玉

- 擎寶辭賞受官旗金
閉城門散氣聚方盈
說古王妹生犬解圍
化鯉何九仙贈天書
擎寶追苗順盜紅鎗
暨記室遇盜得良友
暨都郎閑談既往事
救瘟疫萬民欣感戴
猪急使討肉結仇怨
都郎負貌降曹仙
曹仙縱酒醉打二朋
中虛尸化封榮溪公
三老婦臨水封亡魂
雲程遣子承母爲王
吳林回籍麻姑還家
周二老遊仙境迎歸
雙峯夢覺度脊登仙
麻姑格物取化雞蟲
佛法化鯉開闢台灣

閩都別記雙峰夢卷之十三

里人何求纂

第二百二十四回

水獺報恩拖贈劍印

拿寶辭賞受官旗金

再說曾家得奇鳥致富又變爲美女以遂佳耦喜不勝言是時版圖歸家招賢選士無何楚寶應童生考試入
件州師荐爲貢士進京取中三甲進士聖籤河南知縣還鄉搬眷赴任將家財交與擎寶掌管自帶魏氏鳥女
抵任治民矣其擎寶妻魏氏生有二子接掌家財遵循弟所行經紀正有頃緒忽犯火災燒去罄空猶延及隣
居諸隣呈控經官令火主賠償擎寶將田產變賣賠償尙不敷並將火燒之屋地湊賠依舊赤貧無家可歸其
妻家頗裕有大小舅接去住止擎寶自以坐食不便向之挪借本錢開油燭店開至年餘又遭隣家命案扳扯
打官司破了精光又拮据本錢非被盜竊即被火燒因想果然擎寶不居財遂看破不再圖生活知妻有私積
存在大小舅家生息妻子自不至缺乏自己依舊歸本畫葫蘆去捕魚度日妻子那肯與他去再三挽留不依
買小舟並鮮網防賊之械將船撐出洪山橋沿江討魚夜則沽酒獨酌只是無憂自得不可積有餘錢若有餘
積即腹痛頭眩至將餘積用完便好因此一日討魚敷一日使費即罷不要多討果然無病又不肯與人討船
弄皆泊於僻靜之處日間食了便睡夜間有月即坐船頭把酒配魚自唱自酌誠快樂也那夜獨酌既醉船住
在山峽賞玩山色尋常有老獺出水望月那夜亦出蹲於溪邊巖石仰頭望月不意有一山犬大於老獺在山
峽搶出獺尾被咬住倒拖上山獺離水失勢被拖倒力綿擎寶在船頭看見不禁怒甚取出防賊之鐵叉一把
上岸追及之又中犬腰即倒獺得脫身入水擎寶將此死犬拖丟入水回身自言曰並非我擎寶討魚只衛討
魚人他乃水裡討食你乃山裡討食他上來望月你便害他性命叫我怎的不報不平耶說訖自入艙而睡次
日又去討魚夜來又泊原處對月酌酒將半夜獺在水中連啣大魚丟放船頭岸上擎寶喊曰自討還食不了
誰要你拖來君子施恩不望報快拖去擎寶將魚丟入江中次夜又至皆然擎寶許夜船開去閩清溪口有數

夜其獺又尋至只蹲岸上拏寶認是前獺便謂之曰前夜因報不平我命裡不居財何用汝報答空身來看看由汝如再拖什麼魚鼈我無別的送汝一叉你可知我言麼獺把頭連點數下便入水去拏寶便在此處討魚次早至溪邊山店賣魚換酒聞店家說有新任本郡太守許姓奉旨巡察外州縣前日船至水口被巖石撞破所有行李盡行落水僮人入水摸撈諸物皆獲唯一木匣闊七寸長三尺三寸金鎖鎖住外面黃綾包裹紅絲帶細札內是金印一顆上方劍一把遍尋皆無命官無此二件行之不得現出賞格有人撈得此匣者賞之千金該太守駐在水口等伺未去並無一人撈着貪重賞入水被水浸死有幾個人爲財死拏寶聽了曰此處水深流急白白斷送性命誰可憐他說完携酒菜回船煮食便睡至夜又對月獨酌又見獺又抱一物上沙拏寶以爲又是魚立起至船旁下手持起欲丟入水看不是魚乃絲帶網黃綾水已濕透悟及聞店家所說之情事略較長短相符訝曰此不是許太守所失一印劍匣却被獺抱來與我去獻功受賞以報救命之德若別個卽歡喜不勝唯我不喜莫若送還許太守賞金不要豈不兩好遂取棕衣包裹放於內堵至天明將船撐至水口道頭抱至公館解開棕衣投報撈獲黃綾包匣特來通報許太守甚喜令連人帶人先接其匣原包無異唯水濕未乾問何姓名在何處撈獲遂答姓曾名拏寶昨夜在閩清口舉網打魚打在網內看黃綾包不敢開看內存何物原包送來察驗太守令家人解開鎖付劍匣如故太守大喜卽令賞予千金拏寶辭曰小人並不是貪圖重賞特意尋撈不過順網無甚功勞分毫不敢受賞言訖卽便退出太守令人攔住曰雖不費力順便而得亦是汝之期運豈有不受賞之理拏寶答曰大老爺賞千金那個不喜惟獨小人不愛故推辭不敢領受太守笑問曰想你家金銀如山千金故不上你眼纔不受耶拏寶又答曰隨日討魚糊口並無毫厘過夜太守又笑問曰既隨日趁食銀錢何不愛耶又答曰實不相瞞小人命裡不居財如存蓄大財則遭大破小財則遭小破平素皆如此故以看破纔落烟波作漁者隨討隨食方得無虞無破今若無功受賞回去連命皆休故不敢領受太守笑曰原來有此原故見銀纔嫌汝既嫌可叫汝妻子兄弟當面賞交與他便不算是汝發財矣破不能

及之可好麼拏寶又答曰無妻子兄弟別親求開恩饒恕罷太守笑曰不要求開恩饒恕千古罕有太守即叫家人進去取出一面令旗一錠黃金遞與之曰汝今不要交手回去可將二件帶去壓手罷拏寶不接喊曰拏寶千金都不要還肯要此二件不被人看破耶言訖轉身跑去太守喝曰此二件何曾是乞你不過交寄你船中待我巡遊回衙時親身送去繳還便罷了事拏寶住脚曰寄不敢辭只是船中篷破倘被賊偷去賠不起太守曰不要你賠只要你去福州衙門見我說了便罷如不去說便當不起拏寶不得已將旗金接了辭出下船撐回閩清口矣思此錠黃金約有二十兩值三四百銀若被賊偷去將妻子去賣亦賠不起莫若交存家中再來放心討魚耍樂思定了船便開回登岸取旗金到家親屬同妻查問拏寶將獼報恩不受賞硬寄此二件之情由告知衆又問怎不受賞拏寶曰命該不居財不敢受之緣故說之衆皆笑其黠之至拏寶將旗金交妻子安穩收存方放心下船要去豐氏笑曰許久回來飯豈不食一頓安得就去拏寶食了午飯即走下船尋無槁槳却被大小舅搬存別處不與再去拏寶即回來索取衆罵既不圖銀錢在家中還怕沒碗飯食何必在溪河受風霜勞碌他答曰家中有飯無酒有酒無魚即有酒魚亦食不爽快衆曰雖不爽快且將就幾日等太守回時繳還旗金任汝再去今如即去太守回來無處尋討罪及親屬怎好拏寶因衆人咻之遂不即去原來拏寶之丈人乃太守衙門之書吏在家不覺住有月餘許太守巡遊畢由南而同大小舅催繳旗金挨至次日拏寶欲便衣繳還衆人曰前乃漁家本色在公館見之不怪今日在衙門不更衣冠去見上官謂之藐視既不受重賞反穿破滯與之輕賤耶小舅抱出一套衣服與穿換拿寶不得已戴巾穿靴長短褂左手執金右手執旗遂行衆笑曰此粧束却像前朝之十三太保其妻亦笑曰只恐曲蹄穿靴脫落水裡拿寶至第一門原紫宸門投報漁子曾拿寶來交還寄旗金門官進報傳令帶入大堂前聽候須臾擊鼓開門太守四行八班執刑劊子手皆進排班甚屬威嚴拿寶現在堂邊見此樣式驚得股慄比在公館大不相同排班已定堂官帶拿寶上堂即跪下說拿寶繳還旗金太守曰不須還前據汝所說命裡該不居財今即將此錠金與你長持於左手財便居

住又問拿寶之名旗與你長執傳宣號令即放汝作執令太保初作不知規矩命堂官攬人跟隨教之可也太守面諭了不容推辭堂官帶去供事那時拿寶已驚得魂不附體怎敢答應如前辭却只得一手執金一手執旗立於堂前堂官即擇老成數個跟隨身旁堂上傳宣執令太保出押解回外州縣之貪官進訊拿寶即執旗出召押帶入數個犯官問訊數句仍令押出聽候又宣出召押解外州縣之污吏進訊拿寶又執旗出召押入數十個賊吏問訊幾句即令押出聽候遂請出上方劍令拿寶舉出轅門監斬諸犯官賊吏劊子手跟劍而出刻將諸犯斬首轅門拿寶繳劍回復堂官跪稟堂事畢站班各官員班役退出拿寶搖旗封門太守退堂拿寶始得歇息邊房蓋拿寶先前見此威儀便股慄所有執令出入宣召乃跟隨之人忝扶代之宣傳方不失儀也至事畢魂猶未定即有各役都來磕頭賀喜以及堂官門官承差中軍前來賀喜拿寶皆不知禮節皆問跟的人曰他們來此拜拜何爲跟人答都是與太保爺賀喜又問什麼喜答作了太保官又問太保官大否跟人答曰天子之太保其大無比各州令之執令太保雖小亦有六品官總大過堂官門官等拿寶曰我要不作可否跟人曰要得辭亦可只怕大老爺不喜歡照今日押出轅門之榜樣如不怕即管去辭拿寶驚訝曰殺頭那個不怕只是不知官話不知行走怎好跟人曰自然小的們會教之不用二三個月自會熟悉矣自此拿寶不敢再想辭却衣食皆有內外供給有坐堂考驗即執旗金宣召一呼百諾無坐堂還有外州縣來稟見皆由他進報皆有禮金大官大錠小官小錠拿寶不收無事時房中飲酒皆有隨丁服侍捧菜斟酒不時內衙喚入陪宴初猶欲罷不能後竟榮耀庇蔭及丈人大小舅發財致富正是不因看破歸魚艇怎得榮華庇岳家且看下文如何分說

第二百二十五回

開王墓罰油添不滿

閉城門散氣聚方盈

却說拿寶乃漁子平白地蒙太守提拔做執令太保六品之官自己榮耀猶庇及外家原來那太守山東人姓許名悠黃甲進士出身爲知縣因佐宋開國有功升授福州知州賜上方寶劍蒞任福建唐五代時閩王審知

爲節度使宋未置節度惟知州最尊統轄七閩文武稱爲太守因出巡察官吏至水口船碇巖石破劍印匣沉水出賞格撈獲者賞銀一百十日加至一千金竟無踪跡欲回署具報出巡之奏本已發欲奏報劍印失水溪河不比外洋不能撈獲各亦難追欲去無劍印怎能考察得官進退兩難急得無孔入地是時若撈得報以萬金亦喜誰知那匣一落水半浮半沉流至小箬被水洄漩落於深潭含於潭縫若無義獺搜尋拖出萬古不能得出許太守住在公館等撈至九日無耗憂至寢食俱廢那夜五鼓覆在桌上假寐夢見一軍官左手執金右手執旗入報印匣已經撈獲天明來獻太守喜問何人所得那軍官執旗金之拳向之曰名卽此官太保許太守要再問被一聲亮炮震醒至天明報有漁子來獻黃綾令入見其品貌與夢中無異惟衣服襤褸開匣驗看劍印俱在問名答拿寶與夢中一手執金豈不是拿寶耶始信夢兆靈應那時却似死裡還生重拿寶如重生父母誘以寄旗金待回提拔爲太保之官以報靈夢也但二物各有另匣因許太守十分謹慎要停一處取印則見劍不相離故船破因此匣纔半浮半沉流去難得也時常喚拿寶至內衙賞賜酒席太守問及始知有妻子胞弟現任河南縣尊更加信重其妻父已爲書吏又將大小舅引荐爲科房又有一小舅年初十六七名賢都郎人品極好多在其姊夫身邊因拿寶多在內衙還有忙時命都郎執旗金代替職務打扮恰似小羅通許太守亦愛惜之所有門包規例餽送以及打官節俱是他在外領受隨得隨運回交與其姊開一欄大油行拿寶少回家盡不知道將至三年拿寶回去查察始知既得之無奈只笑曰今又存積許多又因何故破耶其妻笑曰此財是吾弟郎賺的與君無干再不至破拿寶曰都郎所賺名色是誰的怎與我無干只望能免破便萬幸矣拿寶回衙卽辭去都郎貼出門前不許再送規禮違者拿究凡事要自己經手行爲許太守聞知暗羨之又愛惜賢都郎又不便說喚之該太守蒞任三年已滿所居之衙署卽前王氏逾制之宮殿至入宋時諸宮殿俱廢只存明威殿卽今紫薇堂及後苑之三清殿其三清殿之長明燈油皆添滿至半夜油乾火息數夜如是遂有人偵之至夜靜有二個大白老鼠來盜盤去而復來又皆以白鼠乃存寶出現報知執令太保拿寶亦

偵見之又撥人潛伏戶外連接至山野看何來何往遂偵知由冶山下官街後小阜叢草中出人拿寶查其七阜或言古墓或言前閩王之墓家審或謂墓不合在城內穴有白鼠出現是寶存窖無疑許太守聞報親自出看曰非窖非墓有好出盜油必又出黃巢之故事且開看是妖除之是墓重封是寶與民共之即召數個七匠令將七阜之南開入拿寶督率太守坐看須臾開有丈餘現出南向之石門開去沙土道路墻級撬開石門內乃石室光而不暗不許人進惟拿寶引太守入看乃古墓壙中間二部棺柩懸着排設唯石几瓦爐瓶而已墓牌立於壙內字是古篆寫開閩王陵旁書乃戰國時年號並無異處惟案前一大璃皮缸半埋土中缸內一枝之長明燈照耀壙內輝煌甚奇太守思周圍無通氣燈焉能長明不滅再看後牆乃天然巖壁其間有二縫隙乃鼠孔曲而不直不知透在何處爲之通氣拿寶見火長明不滅異而問之太守指曰一半藉此兩孔可通氣一半是真穴道暗中自有呼吸之脉竅也又看缸中其油已將至缸底只有四五寸再點數日乾矣又看缸邊有兩個白石琢成老鼠皆空心口有油迹方知缸中油將乾此二鼠由後壁孔出去盜油來接點又看旁一磚有字乃寫

許悠許悠 開我墳墓 罰你添油

太守看了駭異拿寶又見旁一磚亦有寫拾起來看乃寫

拿寶拿寶 功奪獼母 罰幫添油 財免別破

太守看了曰缸中油罰我添還要罰汝幫添也拿寶笑曰此一缸不過貯得二大担就三四担何妨小太保前日回轉家中去看茶油略有千餘担添三四担如牛身拔一毛那用老爺再添太守讓曰我讓汝獨添我來修墓亦可惟不知此缸中原油在何年代點起能點到今不竭又尋有石壁上刻有記載戰國時周顯王之年代葬漢高帝八年開趙宋開寶元年再開包勛記等字太守看了驚甚拿寶曰包勛不知何人能預知千餘年後再開墓之年代今看此令人胆寒拿寶攜帶磚識即隨太守出壙令將壙門遮閉不許閒人等入去太守回衙

拿寶去尋外之鼠孔尋遍油迹尋去徑由冶山直透至屏山三四里草地間都有油痕再尋上山忽有忽無油迹不知由屏山那一巖縫通入墓孔直透屏山果是真穴凡人焉能尋之分明二石鼠作線至油乾出來盜油引惹人開墻添油也若都待鼠去盜油來點何異待吸西江之水而救涸鮒之魚拿寶尋不出卽令人去自己油行挑油三担帶入墓內將浮馬捧過別油碇將油倒下缸二担不滿再添入一担仍不滿共笑不意缸不甚大添三担油不滿又令趕去再挑七担湊十担還怕不滿耶至油再挑來那缸裡油又淺至缸底或疑漏取火照之並無漏痕將七担又盡傾入又不滿只半缸挑油之人曰此不古怪耶拿寶曰再添亦會滿別物就艱難油乃我家現成的陸續挑來添入自然會滿何須大驚小怪須臾連挑不絕添至五百餘担只半缸若遲一刻淺至缸底許太守聞說笑曰應該我添汝要先添遂令買辦在別油行卽管接挑來再令人在墻外給籌添一担入給籌一條太守自來看添直添至五六日仍不滿油已添去五千餘担油行皆買盡又差人去外州縣買來湊添那拿寶起先回家問自己行中有餘油多少其妻答曰現有五百餘担時刻有人來要買妾恐老爺還要挑去湊故不賣現有皆移於後院處人再來說已賣去現一斤賣至三錢猶無處買拿寶笑曰果賢慧今若有人來挑卽與他盡挑去不可留一担言訖又至墻前許太守添無接湊拿寶又來接添至二日仍不滿只半缸許太守欲罷不能再令人趕去外州縣買來湊添各處皆知傳至烏石山周家得知亦共以爲怪各處之油皆買空空民間炒菜塗頭無處買油林慶雲公主學得吳青娘卜易甚屬精通試代下一卦看因何油添不滿遂下一火地晉動變火水未濟遊魂之卦爻象排全批斷出歸魂不出疆遊魂遊千里火在地遊魂蕩再變火上炎水下潤未濟水者油也油入缸便散潤千里添至萬担亦不能聚滿也慶雲將此卦與青娘看是否此判青娘看了甚以爲然可知施何法能令聚而不散慶雲曰比孫媳看遊魂既俱遊散惟將週城之七門緊閉俾氣不能再散魂氣既聚應添得滿也此可合理否青娘甚以爲是曰既卜有卦須去報與本太守得知閉城添之省多少費用民家亦再不至沒油炒菜塗頭衆共議推新月新月恐卦不靈戲弄官長之罪無人敢當也時

林仁翰在周家答曰卜卦建策便不靈亦無甚呆意再不至被怪只有一宗務要曉得此王墓之原根底止有問及能答述之卦雖不驗亦喜歡如問不能答卦雖靈亦自漸愧名列鄉官衆遂舉仁翰去仁翰曰多嘴惹事既命便走一遭罷仁翰即儒服杖履隨帶卦紙乘轎至郡衙前報鄉官林某拜見帖至太保廳拿寶認得是弟婦家瓜葛即入通報並稱其在前忠悃許太守衣冠開門迎至內廳彼此先談叙仰慕失候之套文後言及添油不滿之奇異仁翰遂說經小女代占一卦能令添滿特來獻策之情由太守曰令千金何名能通卜易仁翰答乃故閩王誼公主太守訝曰莫是三入閩王宮之淑惠公主仁翰答是問老公祖大人怎知耶太守曰老先王大人及令千金名揚四海天下莫不週知也遂接卦判喜曰誠天機妙策現在添油只半缸夜間便滿至八分天明又淺可見城閉則益城開則損氣之聚散明矣今即依卦而行仁翰曰小女乃依卦而斷之倘有不然勿怪又答曰怎敢有怪遂留款仁翰先出令百姓有事出城者趕緊出而入自明日起七門皆閉三日不許爬越至次早太守同仁翰至壙看視油站住八分無淺再添至半夜便滿將流出缸外猶恐又會漸淺守至一日一夜分毫不減平滿如故於是遂修整浮馬燈心點放缸內上下打掃潔淨排設祭品撰就奠文許太守整肅衣冠致祭畢第三日午後令諸工匠合門封壙即行堆土築至小阜原跡太守欲豎外碑欄杆仁翰阻之不可更添變其舊制不祥太守聽之遂止仍邀仁翰入內衙談叙正是若非淑惠代占卦太守焉能下得臺再有何事下文說知

第二百二十六回 述昔無疆徙閩建國 說古王妹生大解圍

再說王墓添油至七千餘担不能滿許太守不肯半途而廢思想難以下臺官囊已添罄空憂至痴迷忽然林仁翰來指點閉城一添即滿把仁翰作呂純陽降臨待爲上賓稱前輩老先生大人日日奉陪不離遇有公事即命太保代倍三人飲食皆同一席那日早膳太守問拿寶油共添多少拿寶曰共添去七千零五担內一千

應銀五兩先買照五兩買至多一日貴於一日至每日去外州縣運來每担需二十兩零不等許太守問你太保去銀多少拿寶答小太保不過去四千餘銀值得什麼太守答曰你前說不過添上三四担便滿讓你去添誰知添至七千餘担猶不能滿若無老先生來指教妙法再將海水來添亦不能滿我動費五萬餘金雖然官囊如洗還有服物典當來湊幸未動庫銀可勉強得來惟你去此四千餘金怎處拿寶曰小太保已說命裡不居財纔分毫不敢苟取至此辦事三年何曾有敢沾染錙銖誰知家中遣小舅都郎來背地在外冒名運回授受計有四千餘金盡行造油待好價發賣小太保前回家方知既到家置貨無奈其何惟仰天祝但求破而免災果然天從人愿在此幫添花去災消難免乃大幸也大老爺還說怎處太守笑曰君子知命極好極得仁翰笑問拿寶曰親家伯怎知命不居財蓋拿寶之弟楚寶是吳雲程誼小舅魏吉士之女婿吳雲程是仁翰女婿之表叔也拿寶答曰親家大人還不知拿寶不居財已註於千年之前矣仁翰又問其故拿寶答曰千年之古墓開出預識罰添油免別破可知命早安排矣仁翰曰果有此識麼太守笑答果有仁翰又笑問曰既有識令敝姻翁添油能滿否由他何必太公祖大人接添耶太守笑答曰老先生猶不知古識原以學生擅開他墳墓令罰添油另一識乃貴親幫添太保以爲油甚容易佔去先添添至五百餘担學生始知添不能滿不與再添若全令他添只怕不半途而廢耳仁翰曰原來有此遺識但不知怎說太守卽令人取出二磚仁翰先看一磚駭異笑曰太公祖大人福曜照臨敝邑乃一千年之前定至此日降臨不特恩光遍及閭閻而且致令窳窳重輝陽春有脚惠及枯骨者也太守答言重仁翰又看小磚亦異甚問曰後二句已說知第二句功奪懶婦怎說太守答亦不知拿寶笑曰果是奪人之功不敢說只因前有功於他他將此還報矣太守曰此乃德報德何以爲奪怎不敢說拿寶乃將救獺之情由并獺拖魚不要走避獺又至尋拖來劍匣贈報領賞呈獻捏作自己洒網順得不受賞等情說了一遍太守始知前之劍匣乃義獺尋憎報恩之因由不勝感嘆仁翰曰此乃補蛇啣珠捕雀啣環皆以報答何以爲奪識中用此奪字不妥拿寶曰是作自己打撈的授官拔擢賺銀把

獼之功化爲鳥有故識以奪罰添油用此奪字仁翰笑曰包丞相之識筆更嚴於春秋此奪字果有講究親家伯因此一字之貶罰添油費銀去半萬纔無怨恨共呵呵而笑太守問曰此墓實是何代帝王這包丞相有何道德能遺此識惟老先生大人博古通今必知其原祈爲指示開通茅塞仁翰曰此乃敝地開疆建國之閩越王墓少得人知治弟少年時曾看外紀只知墓在城內尋之不着不知卽在貴衙府之後今因開現再看壙中碑記始知不錯只是看過記不週全恐說有錯勿得取笑敝地乃百粵文身番蠻之地蠻亦有種其頭面身體皆以針刺成五色花紋或鳥獸草木分別各種戰國時夏禹之後裔越王句踐之七世孫名無彊與楚戰不利國被楚奪徙族入閩遂爲君長諸番蠻不順者征之殺男留女二姓落水漸開其國都於冶山營建宮殿稱爲閩越王朝中文武苑內妃娥皆江浙隨來無彊有一妹名嫺儀年已及笄在內褻刺綉宮中有一犬常蹲樓上仰頭與王妹對視嫺儀自顧花柳並未看及數日如是惟兩侍女因見犬視甚無禮逐之下樓去之又來將門緊閉犬仍守候門一開卽鑽入侍女執杖打之詎犬回搶將一女咬死樓上犬仍不去外人聞知犬咬侍女將犬搏而殺之因犬皮毛華麗剝下晒於外苑忽然一陣狂風皮括於空中飛入內樓將嫺儀渾身包住劈不能脫許久自化爲灰飛散而沒嫺儀驚魂始定樓內無人只一老嫗一侍女其老嫗知是前對視之犬皮駭曰怪道那孽畜痴心妄想被外面打死心猶不死作鬼頃風將皮得抱沾王姑娘身上纔覺自化成灰去矣卽連步下樓探外苑之人知否內苑並不知情以是皮被風捲去無踪老嫗回至樓上戒勿外揚其嫺儀不過驚怯一時自此不覺腹中有孕只四個月便產下一雄犬老嫗欲將其掩棄嫺儀不忍令潛抱出值外有犬姆方育子抱與幫乳犬姆亦肯撫之及犬長大異於凡犬無何王欲將妹嫁於大臣之子弟日期將近嫺儀卽對老嫗泣說凡有血氣者情理皆一我自顧容貌有何美處犬亦情鐘致命猶不死心及沾身卽自化灰遂致感懷胎孕彼乃畜類有心屬我至於損軀不死我乃人心既受其胎育子還有再嫁之理茲奉母兄之命出嫁敢有別說惟一死而已今無別托我所生之犬子取名邯鐘小心看視至長大與之傳流後代不絕其嗣我雖死亦感你

之惠也亦不可再與第二個知之切囑老嫗惟勸慰之是夜竟自縊死房中母兄以是患鬼收埋而已那鄉鐘長大毛色形狀異於凡犬多人謀取老嫗死不肯與之寢食不離教之言語不異於人通宮男女皆愛之呼之爲鄉舍人嫗爲鄉母因王要之不敢拒只得送至內苑懇求隨犬終身王亦許之仍名鄉鐘王亦甚愛或有人背地以犬姆引誘要他交合傳種他竟不顧王一夜獨飲至更闌出外苑步月惟他隨之彷彿見樹林中有人影他卽跑去只見樹葉搖動少頃跑回渾身帶血王驚疑喊至人衆查看林中被咬咽喉斷死一人短衣執刀元來是番人來行刺越牆而入若無鄉鐘王命休矣自此皆呼鄉舍人內外不敢輕慢之也無何漳州蠻反無弼帶鄉舍人率兵親征漳蠻敗走廣東投南粵蠻借兵南粵蠻親督蠻兵萬餘至漳閩越王與戰寡不敵衆被困核心外無救兵內無糧草危在旦夕查鄉舍人已不見矣困至十日糧草已絕束手待斃忽見鄉舍人口啣一人頭由外跑至王驚問之他說王兵敗被困臣思寡不敵衆無計可施入於蠻營蠻兵頃欲殺烹食臣說是天帝命我見你王有敢殺我衆始駭將臣引見蠻王說犬會言語王亦訝問臣怎說我乃上界婁金星天帝以大王有天子分令我來佐助蠻王乃喜留在內閩卽問臣現在閩王圍住可一鼓殺入可滅否臣答以不可中間有埋伏只可困其日久糧盡自來投降蠻王以爲妙策臣又背地與說天帝有密詔勅賜大王爲中國大皇帝不可與人得知今夜可將內外人衆屏退寂靜焚香待至三更上天有使者捧詔至大王須接授明日閩王自投直抵中華不過數月爲大皇帝矣如今夜有一人得知天詔下降福反爲禍矣蠻王至夜果令人衆盡行退避金鼓不鳴因蠻王嗜酒見酒不醉不休卽誘以飲酒待詔臣勸之大醉故得咬其首級帶回今番王已死餘衆自散矣閩王大喜將頭持看猶有酒氣中人將首級標寫南蠻王頭首掛於大樹枝上梟示那夜蠻兵遵令皆出安息至天明入帳見王無頭軍心大亂傳說頭首掛在閩王營盤樹上皆以有奇人割取去蠻兵皆驚各自奔逃閩王率兵追殺得來糧草器械無數皆跪投降閩王奏凱回軍漳泉便安靜惟南粵蠻王之頭掛在樹枝上因感受樹木之精氣雨露之滋潤生連於枝間變爲椰子其樹變爲椰樹故今挪中有包酒氣味也卽

昔日南粵蠻王之醉頭所化其酒氣尚在也其樹高十餘丈子結如人頭種遂傳至廣南諸處今漳州猶有此種正是現今椰樹醅醕實是昔蠻王爛醉頭欲知後事且看下文分說

第二百二十七回 大頭狎駙馬遺墓識 化鯉何九仙贈天書

再接前文林仁翰說閩越王得勝回朝首封狎鐘爲大將軍因說恨卿不能變人如能變人寡有一女招卿爲婿方可酬答前功狎鐘答說王如有恩亦能變之王訝問故狎鐘說前日旋功之時在驛站遇一道人見臣卽問愛變人否臣不敢言只搖尾仰視道人便會意又說汝頭欲變人可去于山頂尋我代爲作法不難那道人囑了便去今蒙王施恩容臣去尋王聞言卽令去尋狎鐘至山巔果尋着道人向之搖尾點頭道人便會意隨他下山見王王問他曾許此犬變人否道人應有又問用何法道人說只用朝門外金鐘脫抬於內殿罩至四十九日開起卽成人矣王以罩至許久不餓死亦被殺道人笑曰不死纔轉得輪迴王休慮自有法術若先驚怕安得變人王從之心總擔憂那道人卽令人抬鐘將犬罩住自在外面禹步念咒作法噴了法水囑至未四十九日切不可開吩訖回去于山罩至四十八日王恐其餓死開看再罩先備食物與食令人開起只見一團如雲霧見天卽散開現出一犬頭人身王以是變不得全急令人請道士至道士一至說未滿日數先開故變不全今破了不能再變王甚退悔無法卽以娥孀公主配之公主一胎生下三子皆男公主在宮分婉時纔三日卽令送進閱看恐亦犬首人身長以螺壳盛之次以木盤盛之三以竹籃盛之狎駙馬親送進宮王同夫人見皆屬人體喜甚卽以各盛之物爲姓分作螺盤籃三姓長成各配以民女爲妻再生子女不得婚配於外姓那公主只生此三子不再育矣仁翰說至此家中請用午膳太守笑曰聽老先生之言有趣叫食什麼飯可卽排在此一面食一面講湊好麼仁翰答甚好遂排上三人同坐飲拿寶笑問曰一姓分作三姓以有服之親堂兄妹爲夫妻總是本家之派於禮可乎仁翰答曰此乃無疆王體狎駙馬欲子子孫孫世守山鄉之志故分三姓以避同姓成婚之禮今三姓自行婚配庶幾後世無窮無難娶之曠男當無異姓之嬌婿可致三族之禮

祀億萬年不斷也太守曰慮後之謀至當今不知還旺否仁翰曰現在北嶺內那裡螺盤籃三姓旺甚恰似武陵之桃花源也那鄉駙馬一罩于金鐘內煉成一筆成文不獨擇吉地與子孫尤能擇吉穴與閩王安葬至無疆王薨擇屏山上下兩處吉穴葬上穴者世代王侯不斷下穴者王侯有天子無後子之子孫竟葬於下穴先不知其處今始知即添油之地也那鄉駙馬廬墓三年在於墳內作識語留遺後代太守訝曰前日聞之識語莫即鄉駙馬之所遺也仁翰答曰非也鄉駙馬之識乃戰國時無疆傳至十二世孫名無諸現今添了油丞相包勅又遺新識至今與太公祖大人接添也鄉駙馬之原識已經包丞相開現今所現乃包丞相所遺之識也太守又曰鄉駙馬之識怎現包丞相怎樣重遺今再說知仁翰曰無疆傳至無諸計一百六十餘年值秦二世楚漢爭無諸王率兵從諸侯人關助剪楚漢高帝五年封無諸爲閩越王釣龍臺乃接詔之所也那時包勅爲丞相何嶠爲太守俗同夏華何嶠只一夫人連生九子品格皆屬不凡目皆雙瞽緊閉不開只有長兄微露一二行時皆照序拉扯衣衿而行如老鼠尾咬尾洄過街一般遇父太守在堂宴客兄弟必扯衣爲長蛇陣出席前環旋而入太守怒欲殺之皆被家人哀勸始免常集在後園一屋中不論寒暑設一火盆九兄弟日夜圍坐盆傍向火寢食不離一日只請包勅丞相宴叙飲酒間九兄弟仍魚貫而出在席前旋繞數匝包相訝問何人太守蹙眉答曰家門不幸連生九子皆瞽俟有客來便出來獻醜任甚關攔不住早欲盡除之奈家中男女哀懇姑饒之誰知仍是不怕又出來獻醜氣乎不氣九兄弟仍環繞未進包相視遍品貌即問曰九位賢契都是同胞否九兄弟便向前排立同拜揖了答是皆親手足又問九位中肯離否答生死共之又問既不捨其志何圖答並無別圖惟求說言放出歸隱山谷小子之素志也包丞相答容易隨與太守說放之歸隱山谷太守答以在家出醜猶可若外游九個瞎子有甚本領勢必叫化怎處包丞相曰月給水菜則不怕其求乞交與弟分發自不至出醜兄請放心問其愛隱何山長兄答即臨近之于山包丞相先邀回府中款待數日親同共至于山其長兄頗有目擇鰲頂峯傍搭作茅庵砌作烹煮爐竈又另砌一大鼎竈包丞相問此何用他答製煉丹丸

期九替得見天日包丞相聽之調度隨撥一家丁與之使喚水菜十日一給用菜不用量那九兄弟日令家丁採取諸草連根入鼎製煉草探盡又採諸樹枝藥煉至三年于山上之草木探盡燒煉化爲小九粒丹丸服食三年之內包丞相所送之物無一受惟九套新衣服不穿九個分食了丹令家丁引帶下于山人相府見包丞相說丹已成功特來告辭外游令家丁引帶與父母前拜別那太守一見其身上衣服更加整潔忿甚密令十數個家丁隨他到江邊俱推入水淹死家丁尾隨至台江九兄弟魚貫而行同跳入江中洗濯身皆入水頭現出水而替眼皆開而長兄額上多開一眼家丁喜甚招呼之上岸九兄弟忽變九個鯉魚飛騰上天向南而去家丁回報太守包丞相駭甚趕上于山看其煉丹之物件皆化爲石矣煉丹井泉如故包丞相又遣探事人由南台訪九鯉落何處探事查訪人皆見九頃鯉魚飛到興化地方一大湖中即仙遊之九鯉湖也在湖中遊數日仍變爲九道士至福清石竺山游玩探事人訪至石竺山遇九道士寄一河洛大衍先天數探事人回來呈繳包丞相得此仙籙秘訣遂能推算未來之事是時無諸王始建築一都城名冶城在冶山下狹而不廣無疆之墓尚在城外包丞相以先天數推算再至五百年後騶氏之國祚已絕必增州城無疆之墓必毀包丞相遂奏須除墓面之牌棹欄杆及翁仲等件留一阜可使造城不毀即將來造宮殿亦不致滅之也無諸王依之即令除去墓面各物又命開起壙明看內棺如何即開人其缸內燈油將盡現出那騶馬所造之識四句包丞相取來看之乃寫

包劼包劼

九仙贈札

保墓不毀

保燈不煞

旁書騶馬佛鐘記無諸王自行添油又命包丞相重遺新識不知當時添多少油至今千餘年不息那二白鼠是包丞相續置的壙內重新壙外只堆一小阜而已包丞相至無諸王墓後至福清公幹於宏路地方九道士前來迎入石竺山不返矣那包丞相撥伏伺之家丁早已先度去了無數時而何太守一家男女並雞犬白日昇天皆成仙眷正是雲中雞犬何處過墓內識文包劼遺下文再說何事請再看便明